



Uunga siunnersuut: Isumaginnittoqarfiup aqunneqarnera aaqjissuussaanelu pillugit Inatsisartut peqqussutaata allangortinneqarnissaa pillugu Inatsisartut inatsisaat, Inissianik attartortitsisarneq pillugu Inatsisartut peqqussutaat pillugu Namminersorlutik Oqartussat nalunaarutaanik allangortitsineq, Unammilleqatigiinneq pillugu Inatsisartut inatsisaanik allangortitsineq, Siusinaartumik pensionisiat pillugit Inatsisartut inatsisaanik allangortitsineq, Pisortat Pisiortortaarneranni Neqerooruteqartitsinermi Maalaaruteqarfik pillugu Inatsisartut inatsisaanik allangortitsineq, aamma Pinngortitamik illersuineq pillugu Inatsisartut inatsisaanik allangortitsineq (Maalaaruteqartarfiit suleriesai pillugit inissiineq pillugu maleruagassanik allanguuteqarneq) (Inuussutissarsiornermut, Niuernermet, Aatsitassanut, Inatsisit Atuutsinneqarnerannut Naligiissitaanermullu Naalakkersuisoq) (Siullermeerneqarnera)

Qujanaq Naalakkersuisut inatsimmut atuutereersumut ersarissunik naatsumillu allanguutissatut siunnersuuteqarnerannut, maalaaruteqartarfinni pineqartuni sulinerup eqaannerulernissaanik siunertaqartumik.

Naatsumik oqaatigalugu, suliniutit taperserpagut, maalaaruteqartarfiit assigiissarnissaannik, eqaallisarnissaannik nukittorsarneqarnissaannillu siunertaqartut.

Taama oqareerluta, oqaaseqarfigerusunnarpoq, unammillernartitaqaratta akisussaaffimmik inissitassatsinnik, innuttaasut illersornissaat siunertaralugu pisinnaatitaaffii aallaavigalugit. Assersuutigalugu §37-mi apeqqummut¹ akissutigineqartumi, normu. 105-mi Naalakkersuisut isumaqatigaat, ajornartorsiutit malersorneqartassasut, ataatsimiititaliamit aalajangerneqarsimasut.

Unamminartortaa uaniippoq, ersarilluinnangimmat, qanoq ililluni qanorlu akisussaaffik inissinneqassanersoq, ataatsimiititaliat aalajangernerannut, taamaanneralu qularnermik pilersitsisoq pakatsinernillu pilersitsilluni tassani pineqarlutik attartortut inissiatileqatigiiffiup pisortanit pigineqartup pisussaaffimmik sumiginnaasimaneranut, aalajangiisartut isumaqataallutik isummersimaneranut apeqqummi.

Taamaattumik isumaqarpugut, Naalakkersuisut akisussaaffeqarlutillu pisussaaffeqartut innuttaasut pisinnaatitaaffiinnut innimiginninnissamut, soorlu assersuutigalugu uani taaneqartumi attartortunut, ersarissarlugulu inissianik attartortitsisut pisussaaffii, aalajangiisartut aalajangiissatillugit.

Taamatut oqaaseqarluta siunnersuutip akuerineqarnissaa innersuupparput.

¹ https://www.ina.gl/media/sxcbtnzr/105_2024_skimmelsvamp_ini_boligklagenaevn_anwa_akissut.pdf